

LJÓSVAKAHANDRIT

MÍDLUN HF.

FJÖLMIDLAVAKTIN

AUGU OG EYRU ÍSLENSKS ATVINNERLÍFIS

MÍDLUN HF., ÆGISGÓTU 7, SÍMI (91) 622288, FAX (91) 26994

Frétt:	Fundur Kvennalista.
Lengd:	1:26
Fréttamaður:	Þulur.
Dagsetning:	13.06.1993.
Miðill:	Sjónvarpið kvöldfréttir.

Kvennalistakonur vilja að lán til sjávarútvegsfyrirtækja verði fryst, lán lengd og skip skylduð til að leggja upp innanlands.

5 Staða þjóðarbúsins, efnahagsmálin, atvinnuleysið, sveitarstjórnarkosningar að ári og alþjóðamál voru efst á baugi vorfundar Kvennalista sem haldinn var að Núpi í Dýrafirði um helgina. Alþjóðamálin ræddu fulltrúarnir út frá hagsmunum kvenna en efnhagsvandann greina kvennalistakonur fyrst og fremst sem vanda sjávarútvegs.

10 Jóna Valgerður Kristjánsdóttir: *Það er auðvitað fyrst og fremst sjávarútvegurinn sem að mun eiga erfitt og hefur átt erfitt uppdráttar undanfarin misseri. Í þeirri stöðu sem hann núna er, þá er ekki held ég um annað að ræða heldur en raunverulega að frysta lán, það verður að lengja lán á meðan að svona erfitt ástand er og síðan er auðvitað hægt að skoða það, hvort að hreinlega skipin væru skylduð til að landa öllum afla hér á landi og fullvinna hann meira þannig að við fengjum með því verðmætari afurðir.*

15 Þá er einnig bent á vaxtalækkun, Jóna Valgerður og kvennalistakonur segja að kjarasamningar sýni það að almennir launamenn hafi þegar axlað byrðarnar sem fylgja efnahagsáfallinu.

20 Jóna Valgerður Kristjánsdóttir: *Þar með eru þeir að segja, við erum tilbúnir að stöðva allar okkar kröfur í bili og ef við höfum atvinnu þá sættum við okkur við ekki hærri laun. Ég get ekki séð að þeir geti gert meira en það eru ýmsir aðrir sem geta tekið á sig byrðar.*

Fréttamaður: *Er komið að fjármagnseigendum?*

Jóna Valgerður Kristjánsdóttir: *Vissulega, löngu löngu síðan komið að þeim.*

LJÓSVAKAHANDRIT

Frétt: Fundur Kvennalista.
Lengd: 1:39
Fréttamaður: Inga Dan.
Dagsetning: 13.06.1993.
Miðill: Ríkisútvarpið kvöldfréttir.

Kvennalistakonur vilja að fulltrúar samtakanna komist sem fyrst að fundarborði ríkisstjórnarinnar. Þetta kom skýrt fram á vorþingi Kvennalistans á Núpi í Dýrafirði núna um helgina.

5 Það kom greinilega fram á fundinum að konum blöskrar núverandi þróun landsmála og þeim nægja ekki þau áhrif sem þær hafa með því að eiga fulltrúa á þingi og láta rödd sína heyrast. Þeim þykir nú orðið brýnt að komast til beinna valda í næstu ríkisstjórn. Jafnframt horfast þær í augu við að þurfa að móta ákveðnari stefnu í mörgum atriðum. Að frjó stjórnmálaumræða í eigin röðum nægi ekki þegar í valdastólana kemur heldur þurfi nú að fara að velja og hafna gera upp á milli sjónarmiða og marka skýra stefnu í stórum og viðkvæmum málum. Það er hins vegar mikill hugur í konum að takast á við þennan vanda og leggja ... stefnumótun fram að landsfundi í haust. Á vorþingi Kvennalistans kom og fram hversu ósáttar konurnar eru við algengustu leiðir að ýmsum valdastöðum þjóðfélagsins og hve seint gangi að komast til áhrifa ef ekki er beitt þeim meðulum sem tilökast hafa til þessa. Þær voru þó á því að tilgangurinn helgaði ekki meðalið, ekki þýddi annað en að halda ró sinni og halda sig vit þótt á móti blási. Það er mikið lagt upp úr því hjá Kvennalistakonum þegar þær koma saman að gera fleira en að sitja fundi, að bessu sinni var skipulögð skoðunarferð að bænum Læk í Dýrafirði þar sem eingöngu er búið með æðarfugl og skógrækt og þinginu lauk á því að konurnar gróðursettu þar nokkrar trjáplöntur.